



CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-02-4-20-1/26
Sarajevo, 20.01.2026. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17) i člana 33f. stav (2) tačka a), a u vezi sa članom 33i. stav (1) Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12, 32/13 i 38/22), člana 24. Zakona o internoj reviziji institucija Bosne i Hercegovine („Službeni glasnik BiH“, br. 27/08 i 32/12) i Odluke o usvajanju Strategije razvoja sistema internih finansijskih kontrola u institucijama Bosne i Hercegovine za period 2020-2025. godine („Službeni glasnik BiH“, br. 43/20), direktor Centralne harmonizacijske jedinice Ministarstva finansija i trezora Bosne i Hercegovine *donosi*

ODLUKU

o donošenju Privremenog operativnog godišnjeg akcionog plana za razvoj i unapređenje sistema internih finansijskih kontrola u institucijama Bosne i Hercegovine za 2026. godinu

Član 1.

(Predmet Odluke)

- (1) Ovom odlukom Centralna harmonizacijska jedinica Ministarstva finansija i trezora Bosne i Hercegovine (u daljnjem tekstu: CHJ MFT BiH) donosi Privremeni operativni godišnji akcioni plan za razvoj i unapređenje sistema internih finansijskih kontrola u institucijama Bosne i Hercegovine za 2026. godinu (u daljnjem tekstu: Privremeni operativni godišnji akcioni plan).
- (2) CHJ MFT BiH donosi Privremeni operativni godišnji akcioni plan za 2026. godinu kako bi osigurala usklađenost daljnjih pravaca razvoja u ovoj oblasti sa Strategijom razvoja sistema internih finansijskih kontrola u institucijama Bosne i Hercegovine za period 2020-2025. godina (u daljnjem tekstu: Strategija), do donošenja nove Strategije.
- (3) Privremeni operativni godišnji akcioni plan usklađen je sa sveobuhvatnim strateškim ciljem koji se odnosi na uspostavljanje funkcionalnog i djelotvornog sistema internih finansijskih kontrola kroz ublažavanje ključnih rizika u poslovanju institucija Bosne i Hercegovine, konkretnim strateškim ciljevima, operativnim mjerama i aktivnostima u

oblasti finansijskog upravljanja i kontrole, interne revizije i izvještavnja, koje su utvrđene Strategijom.

- (4) Privremeni operativni godišnji akcioni plan bit će na snazi do usvajanja Strategije unapređenja upravljanja javnim finansijama u institucijama BiH za period 2026-2030. godina od strane Vijeća ministara Bosne i Hercegovine.

Član 2.

(Sadržaj Privremenog operativnog godišnjeg akcionog plana)

- (1) Privremeni operativni godišnji akcioni plan sadrži podatke o mjerama i aktivnostima za realizaciju utvrđenih ciljeva za 2026. godinu, nosiocima aktivnosti, rokovima za realizaciju, indikatorima uspješnosti i izvorima finansiranja, u skladu sa Strategijom.
- (2) Privremeni operativni godišnji akcioni plan sadrži i mjere i aktivnosti iz Operativnog akcionog plana Strategije za 2025. godinu koje nisu realizirane do 31.12.2025. godine.
- (3) Privremeni operativni godišnji akcioni plan sastavni je dio ove odluke.

Član 3.

(Realizacija)

Institucije BiH dužne su donijeti svoje godišnje akcione planove za uspostavljanje i unapređenje sistema internih finansijskih kontrola za 2026. godinu u skladu s Privremenim operativnim godišnjim akcionim planom, preporukama interne revizije, preporukama Ureda za reviziju institucija BiH i internim aktima kojima su regulirale oblast internih finansijskih kontrola u instituciji.

Član 4.

(Izvještavanje)

- (1) Institucije BiH, kao nosioci aktivnosti iz Privremenog operativnog godišnjeg akcionog plana, dužne su dostaviti CHJ MFT BiH izvještaj o realizaciji mjera iz Privremenog operativnog godišnjeg akcionog plana koje se odnose na finansijsko upravljanje i kontrolu u okviru godišnjih izvještaja o finansijskom upravljanju i kontroli za 2026. godinu, u skladu s instrukcijama CHJ MFT BiH.
- (2) Institucije BiH u čijem sastavu djeluju jedinice interne revizije, kao i jedinice interne revizije, dužne su dostaviti CHJ MFT BiH izvještaj o realizaciji mjera iz Privremenog operativnog godišnjeg akcionog plana koje se odnose na internu reviziju u okviru godišnjih izvještaja o internoj reviziji za 2026. godinu, u skladu s instrukcijama CHJ MFT BiH.
- (3) CHJ MFT BiH izvještava Vijeće ministara Bosne i Hercegovine o realizaciji mjera i aktivnosti iz Privremenog operativnog godišnjeg akcionog plana prema utvrđenim indikatorima uspješnosti u posebnom poglavlju u konsolidiranim godišnjim izvještajima o sistemu interne revizije i finansijskog upravljanja i kontrole u institucijama BiH za 2026. godinu.

Član 5.
(Objavljivanje)

- (1) Odluka i Privremeni operativni godišnji akcioni plan objavljuju se na internet stranici CHJ MFT BiH <https://chj.mft.gov.ba> (u rubrici Registar propisa za PIFC), odnosno na internet stranici Ministarstva finansija i trezora Bosne i Hercegovine (www.mft.gov.ba), u dijelu koji se odnosi na CHJ MFT BiH.
- (2) CHJ MFT BiH obavijestit će sve institucije o donošenju i objavljivanju Odluke o donošenju privremenog operativnog godišnjeg akcionog plana.

Član 6.
(Stupanje na snagu)

Ova odluka stupa na snagu danom donošenja.

D I R E K T O R

Njegoš Pavlović, s.r.

Dostaviti:

- internet stranica,
- a/a.